

Broj: 01-02-767/20
Sarajevo, 27.04.2020.

DOM NARODA PARLAMENTA FEDERACIJE BiH
n/r gospodina Tomislava Martinovića, predsjedavajućeg
n/r gospodina Aljoše Čampare, potpredsjedavajućeg

**PREDMET: PRIJEDLOG ZAKONA O UBLAŽAVANJU NEGATIVNIH
EKONOMSKIH POSLJEDICA**
- **hitni postupak**

Na osnovu člana 198. Poslovnika Predstavničkog doma Parlamenta FBiH, obavještavam Vas da je Predstavnički dom Parlamenta FBiH na 9. vanrednoj sjednici održanoj 23.04.2020. godine usvojio Prijedlog Zakona o ublažavanju negativnih ekonomskih posljedica sa 12 amandmana Vlade Federacije BiH, koji su postali sastavni dio Prijedloga Zakona, a koje Vam u prilogu dostavljamo.

Amandmani Vlade FBiH:

Amandman I

U članu 1. riječi: „obustavljanje svih upravnih, parničnih, vanparničnih i izvršnih postupaka za vrijeme stanja nesreće“ brišu se, a iza riječi: „propisa“ dodaju se riječi: „za vrijeme trajanja stanja nesreće u Federaciji BiH (u daljem tekstu: Federacija)“.

U članu 2. tačka g) iza riječi: „Federaciji“ ostatak teksta se briše.

Amandman II

U članu 4. stav 2. brišu se riječi: „prosječni promet u januaru i februaru 2020. godine“ i zamjenjuju se riječima: „ostvareni promet u istom mjesecu 2019. godine“.

U članu 4. stav 5. iza riječi: „fiskalizacije“ stavlja se tačka i briše ostatak rečenice.

Amandman III

U članu 6. stav 2. i 4. broj: „90“ zamjenjuje se brojem „60“.

Amandman IV

U članu 7. riječi: „iz člana 2. tačka a)“ zamjenjuju se riječima: „koji koriste subvencije iz člana 4“.

Amandman V

U članu 8. iza riječi: „godinu“ dodaju se riječi: „koji koriste subvencije iz člana 4. ovog zakona“.

Amandman VI

U članu 10. stav 1. briše se.

Dosadašnji st. 2. i 3. postaju stavovi 1. i 2.

Amandman VII

U članu 11. stav 2. iz riječi: „penzija“ dodaju se riječi: „i vrijednost općeg boda“.

Amandman VIII

U članu 12. stav 1. broj „180“ zamjenjuje se brojem „60“.

U stavu (3) ovog člana, iza riječi „zdravstvenih“ dodaje se zarez i riječ „socijalnih“.

Amandman IX

U članu 13. stav 3. mijenja se i glasi:

„(3) Razvojna banka dužna je kvartalno izvještavati Vladu Federacije o upravljanju Fondom, a Vlada Federacije u roku 15 dana po završetku kvartala dostavlja isti izvještaj Parlamentu Federacije Bosne i Hercegovine“.

Amandman X

U članu 15. podnaslov se mijenja i glasi „(Stupanje na snagu i prestanak važenja)“.

Na kraju rečenice iza riječi: „BiH“ dodaju se riječi: „i prestaje važiti istekom 60 dana od dana proglašenja prestanka stanja nesreće“.

Amandman XI

U članu 3. iza riječi „zakoni“ dodaju se riječi: „u mjerodavnosti Federacije“.

Amandman XII

Iza člana 14. dodaje se novi član 15. koji glasi:

„Član 15.

(Obavezno zdravstveno osiguranje)

Propisuje se obavezno zdravstveno osiguranje svim građanima Federacije za vrijeme trajanja stanja nesreće, odnosno istekom 30-og dana poslije proglašenja prestanka stanja nesreće“.

Dosadašnji član 15. postaje član 16.

Predstavnički dom je ovom prilikom usvojio slijedeći zaključak:

Zadužuje se Porezna uprava Federacije BiH i Razvojna banka Federacije BiH da redovno na svojim službenim stranicama, a najmanje jednom mjesečno, objave spisak privrednih subjekata kojima je subvencija dodijeljena u skladu sa Zakonom o ublažavanju negativnih ekonomskih posljedica.

Dostaviti:

- naslovu
- predsjedniku i potpredsjednicima FBiH
- premijeru, zamjenicima premijera
- Vladi FBiH
- Predsjedavajućem PD
- potpredsjedavajućima PD
- sekretaru Doma naroda
- službi Doma naroda
- sekretaru Predstavničkog doma
- službi Predstavničkog doma
- službi za izradu izvornika
- a.a.

PREDSJEDAVAJUĆI



Mirsad Zaimović